



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

15. Christoph. Bern. cur idem amplexus sit. Educit militem suum ex Urbe.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

fœdere ulterius persistere volent, & de hoc tractetur Francofurti medio anno ante lapsum triennij.

Hos omnes articulos & singulos Rex Christianissimus & fœderati Electores & Principes sibi appromiserunt, quia instrumenta pacis & ceteris Imperij Constitutionibus nituntur, & Recessui hujus Anni Millesimi sexcentissimi quinquagesimi octavi die decimo quarto Augusti Francofurti inter principio memoratos Electores & Principes inito, cui Rex Christianissimus accedit, conformes sunt, & ad neminis mortaliū offensionem spectant.

Reservant sibi tamen Electores & Principes fœderati omnes & singuli, fidem Imperio, patriæ suæ, & Imperatori debitam.

In fidem ac solidamentum horum omnium Instrumentum hujus fœderis ad ratificationes Dominorum Principalium intra spatium unius mensis invicem commutandas subscriptum & sub-signatum est, à Regis Christianissimi & fœderatorum Electorum, Principumque Legatis. Moguntia die decimo quinto Augusti Anno Millesimo sexcentesimo, quinquagesimo octavo.

Scio non defuisse, qui Christophoro 15.
Bernardo inconsultum arbitrabantur hanc Curidē
una confœderationem amplecti. Id in- ample-
visum fore Austriacis & perniciosum cau- xus sit
sæ cum Monasteriensibus controversæ. C. Ber-
Sed quoniam Principi simul opus erat nardus.
am. cliâ Regis Galliarum, & in hanc

D d 5

pro-

1658.

propendebant Principes Confœderati omnes, haud decere opinabantur alij, *Christophorum Bernardum* singularem & ita imprudentem esse, ut subtraheret se solum; & societatem, quæ fidem Imperio, patriæ, Imperatori debitam, omninò salvam velit, unâ cum Sociorum & tanti Regis favore declinaret. Et quamquam initio non unâ de causâ subscriptionem aliquò usque suspendit, adeò tamen dextrè postmodò se illi innexuit, ut quod nobis exploratum est, idcirco nec gratiâ Cæsaris exciderit, nec factum Cæsar improbârit. Et profectò, sicuti Capitulatione Cæsareâ Imperatorem, ita pactione hac Moguntinâ Regem Galliarum suum pariter ad subsidium obligavit. Præsertim cum Rex sponderet ita dispositurum se suos, seu intra, seu extra Imperium Socios, ut cum fœderatis hisce Principibus stabilem colerent amicitiam, nec rebus aut commodis illorum nullatenus officerent: Atq; ita *Christophorus Bernardus* jecit fundamenta secundæ obsidionis, cæpitque Monasterium suâ prudentiâ expugnare, antequam obsideret.

*Educit
militem
suum ex
Urbe.*

Sed præsidium, quod in Urbe Princeps ex pactione *Geistana* à tempore ingressûs sui continuârat, uti civium oculis invisum erat, ita & domibus permolestum. Qui à Civitate nonnihil stabant

Ordi-

Ordines Dicecesani, cum primis pauci è Nobilitate, suadere Principi, ut educto partim milite præsidium contrahatur. Nul- lum quippe hostilitatis esse metum, & animos civium faciliùs ita tranquillatum iri. Princeps persuasus partem educit; sed vix priores stationem reliquerant, reliquis fores præcluduntur, neganturque hospitia; ut dum abitum minis etiam ac injuriis maturant, Principi satiùs fuerit totum evocare; præsertim cum reliquiæ præsidiariorum, viribus Urbanis impares, ad ea quoque adigerentur, quæ cum Principis & militiæ despectu conjuncta erant.

Inter hæc *Christophorus Bernardus* præsentibus patriæ malis haud rarò ingemiscit; Nec vanè auguratus majora, quod non ignoraret iram DEI peccatis hominum provocari, justaque ultione immit- ti læpè calamitates, quibus unà fontes, infontesque miserè implicentur, ut iratum Numen placet, futuræque mala à cervicibus commissi gregis avertat, publi- cas, privatæque preces Dicecesanis in- dicit. Dein ut Christiano instituto con- formis sit vita subditorum, multa salu- briter ac præclarè statuit; cum primis in duella, in divinos & ariolos, inque eos, qui in DEUM, qui in superos contumeliosi forent, & contra facinorosos hu- jusmodi legum rigorem innovavit. Nec

16.
Indicis
preces.

Et mul-
ta salu-
briter
ordinat.